

# Т о о м с р т а д б ä ä н ä

Кесг джилäs нааран Коммунистическ партин член, гражданск дääнä джилмүдт мана öдгä цагин джиргь-лин тöлä ноолдж йовсн, удан цагт Халымг государственн загьсна трестд гардгч кöдлмшт йовсн—ода персональн пенсийд бääх Муқан Сагь-ин верн, мана Каспийск районд, Халымг республикд темдгтä. Тиним, ач иктä олна үүлдврт кöгшртлән орлцад, үни гол седклärн партин кöгшн твардь нериг öбдән бärдж йовс-

ндан,—эн олд тоомсртад бääнä.

Сагь—кöгшä ода бийнь олна тöрт орлцад, насарн—нас, хуучарн—хууч келго, медсн медрлән. сургьм-джан багьчудт öгнä. Кöгшн пенсионер, эврәннь кели билгär, цещи эрдмärн кесг халымг үлгүрмүд, тууджс, туульс, дуд эврән медсн дерән, олинла харгьад, бас тиним келнä билгтä äмтсäс сурдж авад.—манä халымг фольклорин зöбриг бай-джулхд шунмгьагьар орлцджана. 200 гар халымг үлгүрмүдäс кесг-

инь «Халымг үни» газетд барлгдсннь, олд газет умшачнрт, тер дотр багш-нрт йир таасгдв.

Öдгä цагт шунмгьа халымг фольклор цуглулач гол дуд цуг кевтнь диглäd, кесг үлгүрмүд, туульс болн нань чигн кесг урн үгин нääрлгь-иг белдджәнä. Тегäd, ним 'ик ачта үүлдвр кеджäh, наснь ирсн коммунист-пенсионер олд дунд тоомсртад бääхннь ил.

**БАДМ-ГАРХН С.**